



Broj: 01-50-4-986-10/20

Sarajevo, 14. 9. 2020.

**TUŽILAŠTVO BOSNE I HERCEGOVINE**  
**n/r glavne tužiteljice Gordane Tadić**

Poštovana,

Na osnovu člana 10. stav (1) tačka a) Zakona o parlamentarnom nadzoru („Službeni glasnik BiH”, broj 25/18), člana 188. Poslovnika Predstavničkog doma Parlamentarne skupštine BiH („Službeni glasnik BiH”, br. 79/14, 81/15, 97/15, 78/19 i 26/20) i člana 3. stav (2) Poslovnika Privremene istražne komisije Predstavničkog doma Parlamentarne skupštine BiH za utvrđivanje stanja u pravosudnim institucijama Bosne i Hercegovine, Privremena istražna komisija je na 10. sjednici, održanoj 14. 9. 2020, jednoglasno usvojila sljedeći

**ZAKLJUČAK**

Privremena istražna komisija poziva glavnu tužiteljicu Tužilaštva Bosne i Hercegovine Gordanu Tadić da se pojavi na svjedočenju pred Komisijom u četvrtak, 24. 9. 2020, u 13 sati.

U skladu s tim zaključkom, 12. sjednica Privremene istražne komisije **na koju ste pozvani u svojstvu svjedoka** bit će održana **u četvrtak, 24. 9. 2020, s početkom u 13 sati, u Plavoj sali** u zgradi Parlamentarne skupštine Bosne i Hercegovine, Trg BiH 1, Sarajevo.

Tema svjedočenja odnosit će se na ciljeve Privremene istražne komisije. Članom 2. Poslovnika Privremene istražne komisije propisano je: „Privremenu istražnu komisiju osnovao je Predstavnički dom s ciljem da istraži stanje u pravosudnim institucijama u Bosni i Hercegovini, s posebnim osvrtom na sposobnost Visokog sudskog i tužilačkog vijeća (VSTV) da učestvuje u procesima neophodnim na putu Bosne i Hercegovine ka članstvu u Evropskoj uniji.“

U skladu s članom 6. stav (2) Poslovnika Privremene istražne komisije, svjedoci imaju prava i dužnosti utvrđene Ustavom BiH, Zakonom o parlamentarnom nadzoru te Poslovníkom Predstavničkog doma.

Podsjećam da je Privremena istražna komisija na 6. sjednici, održanoj 6. 7. 2020, jednoglasno usvojila sljedeći

**ZAKLJUČAK**

1. Privremena istražna komisija poziva glavnu tužiteljicu Tužilaštva BiH Gordanu Tadić, predsjednika Suda BiH Ranka Debeveca, tužioca Tužilaštva BiH Miroslava Markovića, sudiju Vrhovnog suda Federacije BiH Gorana Nezirovića, profesora Edina Šarčevića i profesora Zorana Pajića da se pojave na svjedočenju pred Komisijom na jednoj od narednih sjednica čiji će datum biti naknadno određen.
2. Zadužuje se sekretarijat Komisije da stupi u kontakt s navedenim osobama, s ciljem razmatranja najoptimalnijeg datuma za njihovo svjedočenje pred Komisijom.

S obzirom da sekretarijat Privremene istražne komisije nije dobio odgovore na upite koji su Vam dostavljeni u skladu sa stavom 2. tog zaključka, Privremena istražna komisija na 7. sjednici, održanoj 23. 7. 2020, jednoglasno je usvojila sljedeći:

### ZAKLJUČAK

Privremena istražna komisija daje ovlaštenje predsjedavajućem ili zamjeniku predsjedavajućeg da se mogu zvanično obratiti sa zahtjevom za saradnju pozvanim osobama ili institucijama, svaki put kada sekretari Privremene istražne komisije ne ostvare kontak sa osobama pozvanim na svjedočenje ili se Komisiji ne dostave traženi materijali.

Kako Privremena istražna komisija nije dobila odgovor na akt broj: 01-50-4-986-7/20 od 23. 7. 2020, kojim je, u skladu s tim zaključkom, traženo da Privremenu istražnu komisiju obavijestite o raspoloživim terminima, u periodu između 24. 8. 2020. i 11. 9. 2020, radi zakazivanja Vašeg svjedočenja pred Privremenom istražnom komisijom, Privremena istražna komisija je na 9. sjednici **odlučila da Vas pozove da se pojavite na svjedočenju 14. 9. 2020. u 13 sati, kako je i navedeno.**

Privremena istražna komisija dobila je Vaš odgovor broj: A- 217/20 od 9. 9. 2020, kojim je obavještena da zbog ranije preuzetih, a neodložnih obaveza niste u mogućnosti pristupiti sjednici te je na 10. sjednici **odlučila da Vas pozove da se pojavite na svjedočenju 24. 9. 2020. u 13 sati, kako je i navedeno.**

S poštovanjem,

PREDSJEDAVAJUĆI  
PRIVREMENE ISTRAŽNE KOMISIJE  
**Damir Arnaut**

Dostaviti:

- naslovu
- a/a